

# Dinks sprawozdůniý s arbajcynio Ferajny Ôbycznyj „Szkryfka” za 2013

## I. Ô Szkryfce

Ferajna Ôbyczno „Szkryfka” uostała zbajslowalno skiž trzech spůlbajslryzy, kerzi przituplowali to we ukwole ze 1.09.2012 we Mikołowie.

Zakůny, cyle a dziołania Ferajny szkryfniynte sům we Regulaminie Działania Stowarzyszenia Zwykłego „Szkryfka”. Poradzi sie tam snojś nojważniysze cyle arbajcynio Ferajny:

- a) uwszelobecniyiń godki šlůnskej we szrajbůnku, interaktiw a mobilnych szkryftach a i we mediach;
- b) průmowaniý wiedzy ô Šlůnsku;
- c) průmowaniý godki šlůnskej a kultůry a i bajslowanio šlůnskich dinksůw;
- d) průmowaniý a formowaniý pozytywnego filowanio na Šlůnsk a Šlůnzokůw;
- e) przichytać a istować nacjůnal a regiůnal šwiadůmość Šlůnzokůw;
- f) spůłarbajcyni ze lokalnymi a regiůnal regiyrami, instytucyjami spůłecznymi a inkszymi ferajnami dlo rozwoju Šlůnska.

Pedzane je tyž ô arbajcyniu Ferajny:

- a) bajslowaniý trefůw, prelekcij, wystow, kursůw, kůncertůw, festůw a inkszych fajerůw;
- b) spůłarbajcyniý ze inkszymi perzůnami a instytucyjami, kere majům podane na nosze cyle arbajcynio;
- c) spůmogać dziołania, kere majům:
  - průmować wiedza ô Šlůnsku,
  - průmować godka šlůnsko a kultůra ai bajslowaniý šlůnskich dinksůw,
  - průmować a formować pozytywne filowanie na Šlůnsk a Šlůnzokůw,
  - przichytać a istować nacjůnal a regiůnal šwiadůmość Šlůnzokůw,
  - utrzymywaniý kůntaktůw miyndzy Šlůnzokami, bezmaś wszyndzi kaj sům a miynszkajům;
- d) inksze arbajcyniý, kere mo ryalizować statut cyle.

## II. Działania Ferajny Ôbycznyj „Szkryfka” we 2013

Jak i łůnskich lot, teroski tyż ferajnioki Szkryfki mieli we zocy šlůnske sprawy a godka. Roboty bůło kupa, we tym tyj ze poprzedniego roka. A i tak dalij koźdyn s nos chytoł sie nowyj roboty. Beztuż tyż spůłarbajcyniý ze inkszymi instytucjůma ukłodało sie dobrze, co tyż poradzi sie uoboczyć we tym, co dzieło sie łůńskigo 2013 roka. Raduje jednako tyż to, iże udało sie nům skamracić ze porůma zwykłymi perzůnami, kere spůmogały nos we robocie. S niýkerymi robi nům sie na tyła dobrze, iże może przidzie do tego, że bydům łůni nowymi zocnymi dlo nos ferajniokami Szkryfki. Nale co tak rýchtých dzieło sie we 2013 u nos? Poczytejcie sami.

Prziszoł nowy rok, a ze nim nowe idyje, nowo robota a nowe utropy. Jednako Ferajna napoczła 2013 ôd słoźynio žyczyn koźdymu. Potyn napoczło sie sroge podsumowaniý a porachowaniý sie za ôstatni rok. Wszystko snodło sie we Finans a Dinks Sprawozdůniach Ferajny Ôbycznyj „Szkryfka” za 2012.

Ferajna chciała ôd poczůntku nowego roka napocznuć spůłarbajcyniý ze inkszům ôrganizacjům, kero dzieło dlo dobra Šlůnska. A przinajmij tako to wszyskim tublikowali. Tuż 12 stycznia 2013 uostała ukwolůno szpecjal ukwoła ô zatwierdzyniu Regulamina Rady Gůrnośląskiej. Cuż kej RG ta stała sie tako rajn siebie hermetycznie zawarto, iże nawet przy mediacji niýkerych ze człůnkůw tyj ôrganizacyje, Ferajna Ôbyczno „Szkryfka” niý uostała człůnkiym Rady Gůrnośląskiej.

Nowy Rok niý napoczůn sie fajnie tyż we witalnym świocie, bo juże zaro mieli my problemy ze noszymi nec zajtami. Hackery wziyny sie nos za cwek a porobili pora szkłůdůw u nos. To nos zmusiůło do sztopniýncio na chwila noszych zajtůw. Jednako i ze tym my sie poradzili a przisli my nazod to Interneca, coby godać Wům jako je, a tyż co robimy. Prziszoł tyż nazod srogi wszelobecných dykcjůnorz šlůnsko-polski, kery po dzisio je aktualizowany.

Jako poradzili my ujzdrzec a tyż godali nům to i inksi, dzisio bez społecznościowych portali Cie ponoć niý ma. Tym barzi, kej sie uoboczy na to, jako to wszysko je we průmocji a informacyj przesyle. Beztuż i my przislimy na facebook. Ferajna „Szkryfka” załoźůła fanpage ai kůnto na tym portalu. Publikujymy tam a udostympniůmy nowe artikle ô nos ai ô tym co sie dzieje. Wszystko idzie, jako to sie godo <lajkować> na noszy facebook zajcie: <https://www.facebook.com/szkryfka.stowarziszyniy>. Juże teroski mogymy pedzieć, iże niý

bůło to gupie. Do teroski můmy tam hołda nowych kamratůw a kamratek, a durś rońnie lista tych, co nos <lajkujům>.

Zaro na poczůntku roku prziszła do nos fest zocno wiadůmość. Mogymy a můmy przetublikować Sztatut Stowarzyszenia Osůb Narodowości Ślůskiej ze polskiego na ťlůnski. Dali my rada szkryfnůńc tyn prowny szkryf we ťlůnskiy godce. Uostoł łůn wciepany na nec zajta SONŚ: <http://www.slonzoki.org>. Poradziůło sie tyź poczynać ô tym na facebook'u tyj ferajny. Bůł to piyrszy taki szkryf, eli niy jedyny jak do dzisio, po ťlůnski. Interesantni můgli tyź poczynać ô tym na noszy nec zajcie <http://szkryfka.eu/>.

Przi tymu niy brahowało tyź roboty kaj indzi, a bůło ij niy mało. Bez cołki rok, koźdyn miesiůnc, roz po roz we regiůnal telewizyi SferaTV poradziůło a poradzi sie ôglůndać Wydorzynia po ťlůnsku. We nich koźdy miesiůnc pokazane sům nowaźniysze wydorzynia ze Rudy ťlůnskiy, Bytůnio, Radziůnkowa, Piekor ťlůnskich a inkszych sztadůw wele nich. Sům łůne tublikowane, nagrywane a kludzůne bez ferajniokůw Szkryfki.

Spůłarbajcyniý ze SferaTV dowo nům tyź sposobnoś na spůlno robota ze srogům perzůnům na ťlůnsku: Lyjym Swaczynům. Dziynka tymu mogymy sie fajnie pouosprawiać, pogodać jako wto zagłůndo na roztomajte sprawy a i tyź spůmogać we tublikowaniu a szkryflaniu tekstůw po ťlůnsku. Nosze ferajnioki dowajům sam spůmoga we szkryfcie ai gramatice. Cołko ta robota mo tyź swoje odzwierciedlyniý we inkszym programie SferaTV: Szolka tyju s Lyjym Swaczynům.

Nowymber 2013. Warszawa. Tam to sbjaslowano uostała Kůnferyncyjo „Europejskie i regionalne instrumenty ochrony języków zagroźonych” bez Kůmisyjo Nacjůnal a Etnik Myńszości Sýjma RP. Uostali my tam zaproszyni, to i my zajechali. Srogo zoca prziszła nům, kej ferajna „Szkryfka” uostała uodczytano na liście gości tyj kůnferyncyje a jeszcze srogszo, kej bůło ô nij tak fajnie tam pedzane. Cuź kej na tym skůńczůło sie te miłe, bo samo kůnferyncyjo niy dała za wiela, ô czym poradzi poczynać sie we relacyji na noszy nec zajcie.

Jako i łůnske lata, tako i teroski mieli my sygnały, iże noszo robota je dobro, a zauwaźůno. Choby we *ťlůnskim Cajtůngu*, kaj szło poczynać artikle, we kerych awisorz pozytywnie godo ô niýkerych efektach roboty Ferajny, jak dejmy na to „*We rozkroku*” A. Moćko i J. Noras.

To by szło pedzieć ze tych nojwoźniyszych a nojsrogszych projektůw a wydarzyń Ferajny. Szło by sam godać kupa wyncy ô tym co sie u nos robi, nale brahło by nům czosu a kartek papiůru na drukowaniý. Ze tego co moga sam jeszcze spůmnieć to te myńsze idyje a robota, dejmy na to snojdywaniý szkryfůw, we kerych je cołko noszo ťlůnsko erbowizna. Pedzieć tyź trza ô zagłůndaniu na to, co sie dzieje, ôcynianiý tego a nawet angaźowaniý sie

we roztomajte inicjatywy. Dowůmy sie tyŹ pozůr na to, co we Internecie poradzi sie snojů, a kej snojdymy cosik interesantnego, pokazujymy dalij dziołania inkszych. Toć je to robiůne, a przinajmij mo być, dlo noszego cuzamyn dobra, a niy dlo profita jednego.

TuŹ zocnie zaprosůmy wszystkich do zaglůndanio na noszo nec zajta <http://szkryfka.eu/> a facebook: <https://www.facebook.com/szkryfka.stowarziszyniy>, kaj poradzi sie snojů artikle ô noszych dziołaniach a wydarzyniach we noszy Ferajnie ai na Źlůnsku.

Podskryft

Dnio, 10.03.2014,

Mikołów